

**Seniorenclub:** ves inviun dër bel düc canc en mertesc, ai 12.11.2013 dales 14:00 te Ciasa Runcher por la santa mëssa y spo n pü' s'la cuntè pro n bun tē y valch laprò. Chi che ne l'à ciamò mai vagada é ince dër invià a gnì a passè n domisdé n pü' atramënter.

L'**ADVÈNT** é damprò y al é da ponsè al "**Rorate**". Raprejentanc dles Uniuns y Grups, che arjigna ca la mëssa dl Rorate, é invià a gnì te calonia por fà fora la data dejiderada, y insciò ince i cors o grups che se mèt a disposiziun por ciantè y sonè.

**La Uniu dles Èles** invièia dütes ala ciastagnada en mertesc, ai 19.11.2013 dales 19:30 tla pizzeria S. Leonardo. Gnide tröpes y prenottesse pro Maria al nr. 0471/839842 cina en lünesc, ai 18 de novèmer.



En vëndres, ai 15.11.2013 complësc **Zilia Costisella Daprè d'Anvi 89** agn y en dumènia, ai 17.11.2013 **Gustl Costner** da Pedraces **91** agn. L'Seniorenclub y düta la Comunità ti aoda a trami dui dütt l'bun, sanité y benedisciun de Dî.

**Teater:** l'Uniu Teater La Val invièia a ciarè "**Plaza de païsc va inant**" ai 16, 20, 22, 29 de novèmer dales 20:00 y ai 24 de novèmer dales 17:00 tl salf dles manifestaziuns a La Val. Prenotaziuns al nr.338/9639893.


**Domisdé de aurela cürta cun jüc da mësà por düta la familia:** vëgn tignì en mercui, ai 13.11.2013 dales 15:00 ales 17:00 te biblioteca a La Ila.

**L'referat dl dotur Di Marino** "*Tecniche della respirazione*", preodü y dé dant tl calènder dles manifestaziuns en jöbia 14 de novèmer 2013, **vëgn spostè** y al gnará lascé alsavèi canche al vëgn fat.



*"Ciò che posso fare è solo una goccia nell'oceano ma è questa goccia che dà senso alla mia vita"*

(A. Schweitzer)



**Usc dla Cüra**

**BADIA**

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

**Nr. 50**

**Edema: 10.11. - 17.11.2013**

**VANGELE** *dla Dumènia che vëgn XXXIII Ann C*

Lüca 21, 5-19

Te chël tēmp, tratan ch'al n'è n valgügn che baià dl tēmpl, sciöch'al é infornì cun de beles peres y cun ofertes de us, à Gejù dit: Al gnará n tēmp, dailò ne restaral de döt ci ch'i odèis chilò degöna pera sura l'atra; döt gnará trat jö. Ai à damanè: Maester, can sozedarà pa chësc, y a cí sëgn conesciaran pa che chësc é tl sozede? Al à respognü: Metede averda, ch'an ne ves ingianes nia! Deache tröc lovarà sö te mi inom y dijarà: Iö sun chëll, y : Le tēmp é chilò! Ne stede a ti saltè do! Y sc'i aldis baian de veres y de tumulc, ne stede a se lascè sprigoré da chël! Deache chësc mëss sozede por pröm; mo la fin ne vëgn nia ciamò atira.

Spo ti àl dit: Al se lasciarà sö n popul cuntra l'ater y n rëgn cuntra l'ater. Al gnará de gragn tremoroc y te tröc posc möries y ciaresties; al sozedarà cosses da fà pôra, y sö al cil odaran de gragn sëgns. Mo denanche döt cant chësc sozed, jaran porsura os y an ves porseghitarà. Por gauja de mi inom ves surandaran ales signories dles sinagoghes, an ves sciurarà te porjun y ves condejarà dan da resc y governanc. Spo podarëise dè testemonianza. Tolësse dassënn dant de ne ves cruzié nia damperfora por osta defenüda; deache iö ves darà ite les parores y la sapiënza, insciò ne sarà üsc aversars nia bugn da se mète cuntra os y de dè decuntra. Cínamai üsc geniturs y üsc fredesc, üsc parënc y üsc amisc ves tradiarà, y n valgügn de os coparan. Y por gauja de mi inom ves aran le sënn. Y impò ne ves gnaral gnanca stort n ciavèi. Sc'i restèis frëms, davan gnarëise la vita.



**Mit Martin teilen**



## FUNZIUNS SACRES

### 10.11. XXXII. DUMËNIA dl ANN C

#### “Festa di ministranc”

- 10.00 Mëssa por la Comunità  
 14.00 Festa da Bato  
 15.00 Ora de adoraziun  
 18.00 †to Franz Irsara de Jan - aniversar  
 †ta Gerda Schulze Irsara – aniversar  
 †ti Paul, Afra, Rosina Declara y Giovanni



### 11.11. Lünesc – S.Martin

- 19.30 Mëssa cun i crejimà y studënc  
 †ti Angela y Milio Craffonara - aniversar  
 †ta Emma Valentin Frenademetz  
 †ta Carmela Thaler

### 12.11. Mertesc – Mëssa cun l'Seniorenclub

- 14.00 †ta Clara Pescoller  
 †ti Stefania y Alfonso Irsara  
 por fam. Sepl y Pia Pizzinini

### 13.11. Mercui - Mëssa cun i scolars en onur de S.Martin

- 08.00 †ta Cecilia Adang - aniversar  
 †ti Angelo y Tarina Costa - aniversar  
 †ti Sepl y Eugenia Pitscheider

### 15.11. Vëndres

- 07.30 †ti de Erwin y Tarina Pescosta  
 vis y †ti de Olga Rungg  
 por fam. Paul y Emma Irsara en ringraziamënt

### 16.11. Sabeda

- 16.00 Mëssa a Oies

### 17.11. XXXIII. DUMËNIA dl ANN C - Dumënia dla Caritas

#### “Festa por i 40 agn di Kyrios”


- 10.00 Mëssa por la Comunità cun l'cor Kyrios  
 18.00 †ti Nadalin y Emma Irsara  
 †ta Lina Alfarei  
 por fam. David y Rita Irsara

• Les ofertes de chësta dumënia jarà ala Caritas •

## Dala VITA dla CÛRA



**Preparaziun al Bato:** en sabeda ai 16 de novëmber dales 15:00 ales 17:00 vëgnel tigni te salf de calonia a San Ciascian la preparaziun al Bato cun Erich Frenademetz. Invià é geniturs che à na creatöra da batié, sciöche inçe totes y tòc. S'anunzié pòn te calonia al numer 0471/849474.



Chësta dumënia, ai 10.11.2013 ciafa l'Sacramënt dl **BATO** la picera Sofia de Jones Adang y Magdalena Frenademez. Ala picera che tolun sö cun ligrëza te nosta comunité cristiana y a sü geniturs les mius audanzas.



**Crejimà:** n bel grup de crejimà à l'coraje y interès da aprofondi la fede, jan inant n tru deboriada. Metun man en vëndres, ai 15.11.2013 dales 15:15 te Ciasa Runcher.

**Festa de San Martin:** en lünesc, ai 11.11.2013 dales 17:00 saràl te scolina a S.Linert la festa di mituns por recordè San Martin. Düc é dër bel invià. Spo en mercui, ai 13.11.2013 saràl i scolars che festejëia S.Martin tratan mëssa che scomëncia dales 08.00.

### **Festa di Ministranc de Badia**

En chësta dumënia fajunse festa cun i ministranc y les families; al é l'dé olache valgügn di gragn ciafa le diplom de ringraziamënt por tröc agn de bun sorvisc y lascia la uniun; al é inçe l'dé olache de nüs vëgn tué sö tla uniun dô ch'ai á bele scomëncè da sorví. La Cûra de Badia á na gran fortüna che tan' de mituns y mitans y jogn/jones fej cun gran ligrëza y lizitënza l'sorvisc da ministranc y dëida insciö fà tan beles y sintides nostes festes de dlijia. N gran bel giulan ti va sambëgn a Klaus che ti sta dô y fej düt por chësta uniun y n bel giulan inçe ai geniturs, a les families y ai tan' de benefaturs y colauradus. Giulan y prëitambel inant !!

siur Degan